

清季外交史稿

蘭川十五至蘭川十卯

弟四十四卷

附錄 古文選

卷一 古文選

清季外交史料卷八十五

光緒十八年正月至閏六月

目錄

總署奏俄使商接彈春海蘭泡陸路電線請派大員與該使妥議章

程摺三月二十一日

使美崔國因奏外洋藉口會匪恫喝要求謹擬防患之法摺二十一日

使美崔國因奏公法無滅人國之例請飭於會議時慎爲規復地步

片二十一日

使美崔國因奏馳赴古巴察看情形並回美都日期摺二十二日

駐藏大臣升泰奏印度擬約開導藏番只續款末條尙未遵依摺六

月十三日

使英薛福成奏擬請申明律例條約嚴禁私購軍火以杜隱患摺十

六日

總署奏籌議滇緬界務請旨辦理摺十七日

科布多參贊沙克都林札布等奏遵議哈巴河一帶借地暫難收還

請展限交割摺閏六月初四日

總署奏遵議嚴禁私購外洋軍火以杜隱患摺初四日

總署奏中俄議接陸路電線訂定約款摺附條款十五日

甘督楊昌濬奏英俄覬覦帕米爾坎巨提請派員督辦防務摺二十
四日

清季外交史料卷八十五

男希隱亮編

黃巖弢夫王彥威輯

孫孝章敬立校

總署奏俄使商接琿春海蘭泡陸路電線請派大員與

該使妥議章程摺

總理各國事務慶親王奕劻等奏爲俄國使臣商接琿春海蘭泡陸路電線請旨專派大員與該使妥議章程事竊查中國東三省邊界與俄羅斯之東海濱界接壤該國於其地設立電線直通歐羅巴各國近年電線已造至吉林黑龍江兩省其間距俄境最近者或百餘里或數十

里查光緒十三年俄國使臣庫滿曾商請彼此接線共享利益嗣於十五年九月二十日該使臣庫滿在天津與北洋大臣李鴻章商定草約十一款言明與丹商大北公司水線條約同日畫押旋因擬令英商大東公司丹商大北公司認攤上海福州廈門三口水線至岸地租未克成議俄使之議亦遂中輟今俄國新派使臣喀希尼復申前議並謂大北公司本係私局於中俄兩大國立約毫無干涉臣等當即函商李鴻章酌核辦理嗣據復稱詳細核議於中國實屬有益無損若能就海蘭泡彈春已成之線相接可以不費資本而坐享其利隨後展造恰克圖線與彼相接亦於電務生意有裨今與定議仍當以庫滿草本爲底本議妥條約再由臣衙門核定畫押等語臣查中國創辦電線以來李鴻

章一手經理已逾十年其始末關鍵最爲詳審况前年中俄接線即係該大臣與俄使庫滿創設此議此次新使喀希尼重申前請自應仍由李鴻章與之商訂較易就緒相應請旨即派李鴻章與俄使就前擬草約詳細妥商訂定條約咨送臣衙門復核再行請旨遵行謹奏光緒十八年三月二十一日奉硃批着派李鴻章與俄國使臣妥商奏明辦理

使美崔國因奏外洋藉口會匪恫喝要求謹擬防患之法摺

出使美日祕國大臣崔國因奏爲外洋前此藉口會匪恫喝要求謹擬以後防患之法事竊臣於光緒十四年冬曾以客民會匪盤結日深時虞竊發及早防範上陳乃未三年而卽有鬧教之案聲勢私通各省響

應遂至上煩宵旰深費調停耗無限之資財致多方之要挾瞻言時局實可痛心臣維會匪之糾結實由縣汎之縱容苟能未雨綢繆何致臨時失措即使跳梁小醜乘隙橫行而現在水陸兩軍尙多勁兵宿將不難殄滅無待張皇所難堪者洋人之乘機要挾耳當富蕪湖地方鬧教之時美國外部即求臣發電總署求爲保護美民迨得覆電允爲保護而外部欣然嗣後英法各國創議聯合水師以爲要挾地步臣一接總署之電三見於美國之報續又接駐法公使薛福成之電計自七月至十一月凡因此事五見外部外部既允不與聯盟又允爲電美國駐華公使田貝勿與附和且允行文田貝三令五申均不聯合英法以與中國爲難此皆由總署授意所以解散其交使不能挾也臣竊有進者大

抵交涉之事往往有不慎於先而貽患於後日者即有克慎於始而弭患於後時者先准洋人行教以前既與立約無可追矣後此不可不早計焉臣考光緒七年中美續約至今已屆十年而密訪之美國官紳均云換約之舉似尙有待臣又詳查美國交涉之務蓋自今春以來併力籌策禁止歐洲各國工人來美既已立例又復派員漸有端倪尙未就緒此其所以於中美換約故作遲延卽其所以於駁詰禁工尙不照覆也美國於歐洲人民無准工人來美之約其禁之也易於措詞美國於中國華人本有往來自便之辭其禁之也嫌於不信其先籌禁於歐洲者先其所易以及所難歐洲之禁有成必當續與中國議約臣度其期當不甚遠則所以待之之法不可不豫籌也近接總署公函以同文館

總教習丁韋良所呈二策示臣一爲有照之華人應准來往自如一爲被阻之華人應令賠償資斧辭嚴義正允洽民心但使歐洲之禁不成當亦美廷所難推諉此應豫籌之一端也美國向爲自守之邦尙無橫行惡習似可因其勢而利導之嘗考俄國之待教士不准深入內地德國之待教士必飭恪守官律一則所以限制教堂一則所以限制教士教堂稀少則易於防閑教士矜持則不招嫌怨將來如與美國換約似可以此執證且可與言民教即有不和中國只按所失賠償外國不准格外要挾此又應豫籌之一端也臣靜審機宜熟籌彼已權衡緩急分別先後遽以此議商於英法或難允從先以此議商於美國當可就範由美就範而遞及英法亦先其所易而後及其所難也必使教堂不再

蔓延然後教案不致增劇此又應豫籌之次第也過此以往中國兵艦漸增海軍漸盛中外之勢相埒要挾之見自消而又以防患責之疆臣以調和責之使臣以練兵講武責之軍旅之臣庶內亂消外患弭而國體尊矣臣職司交涉既有所見不敢不縷晰以陳謹奏光緒十八年三月二十一日奉硃批該衙門知道

使美崔國因奏公法無滅人國之例請飭於會議時慎
爲規復地步片

崔國因片 再從前法國之君拿破侖稱雄歐洲侵佔各國之地各國畏而讓之嗣以與俄英構釁爲其所敗拿破侖至於被擄流之荒洲各國因會議於奧國之都維也納盡還所侵各國之地近聞法國因攻吐

逆斯與意不和攻馬達加斯加島與英不和辱西班牙之君與西班牙
不和欲假道於德與德不和責美之擅售軍火於中國與美不和衆怒
難犯法國將來必有挫釁可預決也而所取吐逆斯一地英人與吐逆
斯文書往還仍從舊制不認爲法國之地又俄之甲船泊近吐逆斯海
口地方照例升旗致敬法人以吐逆斯現已屬法地升法國旗答之俄
統領大恚因至礮臺詰責法人理屈改升吐逆斯旗俄人乃已蓋萬國
公法本無滅人之國之例而此國侵佔他國之地者鄰邦不認爲此國
之地此國無如何也應請飭於會議時慎之又慎以爲後日規復地步
謹奏光緒十八年三月二十一日

使美崔國因奏馳赴古巴察看情形並回美都日期摺

出使美日祕國大臣崔國因奏爲謹陳馳赴古巴察看情形並回美都日期事竊臣於光緒十七年十二月十七日具奏前往古巴察看華人聯絡官紳臣即於正月初七日附搭火車取道覃壩再換輪船直抵古巴查由華盛頓至覃壩陸路約三千餘里地勢平衍所過之地均係松林四望無際與中國北地熱河道中萬松嶺風景相同土人伐木通道安設鐵路枝幹井然即以所伐之木鋸削成材由輪車運出取之不盡其利無窮此途中情形也初到古巴華商人等即至領事衙門謁見臣一一延訪近日情事均云自朝廷設領事以後苛禁全除已出水火而登衽席羣戴皇仁臣因宣揚皇上懷柔徧覆之意以發其水源木本之思華人鼓舞懽欣盛稱衣服飲食仍守中國規模實未一日或忘中國

此察看華人情形也古巴一島向屬荒陬自前明宏治四年義大利人之仕於日斯巴尼亞者名可崙波航海覓而得之經營草昧移民設官遂爲藩屬此古巴緣起情形也古巴西偏夏灣拿省康熙三年爲法人攻破乾隆二十六年又爲英人佔據乃割北省壺蘆列打地方以賂之英始罷兵同治六年土人又以稅重之故相率倡亂與日國駐守弁兵血戰不勝而罷至今古巴仍款日藩此古巴治亂情形也古巴地方南偏赤道與臺灣同而幅幘三倍於臺灣乃分爲六省居民土客合計約一百四十餘萬人設總督一員巡撫六員提督一員額兵二萬七千餘名義勇六萬六千餘名以資鎮撫此古巴官制兵制情形也古巴出產以蔗糖煙葉爲大宗合之五金木料藥材每歲約值銀九千萬元即出

入稅課收至五千餘萬元前此中國新設領事頒到領事鈐記入口之稅至收取銀三十圓其稅則之重從可想見以前日國視爲外府取其贏餘以充國用近數十年來用人失當商務漸衰本島所入僅敷所出不能多所贏餘以濟日國之用此古巴出產情形也自道光二十六年以來中國人民聞古巴之易以資生陸續而往查至同治十二年止此二十七年中所赴古巴華人共計十四萬三千有零自光緒六年查辦以後苦其苛禁到者遂稀近日華人數僅四萬餘名此旅居華人盛衰之情形也古巴華人旅居已久習俗馴謹既無金山自相仇殺之風土客相安亦無美國創例驅逐之苦顧其政事煩瑣民不堪命臣到古巴後與其地方官周旋報李投桃以資聯絡該總督等均允善護華人而

美國駐古巴之領事於華民之往來古巴美國尤爲有權臣持美國外
部大臣書往見屬其勿相拘束禁制美領事亦欣然受商此聯絡官商
保護華民之情形也臣正與古巴督撫以下過從往還之時適據參贊
官彭光譽密稟美下議院議紳籌議普禁華人新例苛虐違例請亟設
法以伐其謀臣卽於十五日附輪由原路返美十八日抵華盛頓十九
日即謁外部着律師密探消息籌爲挽回之計冀前例不致加厲以慰
皇上廑念海外窮黎之至意謹奏光緒十八年三月二十二日

駐藏大臣升泰奏印度擬約開導藏番只續欵末條尙

未遵依摺

駐藏大臣升泰奏爲印度擬約開導藏番只續欵末條尙未遵依據覆

赫政刻尙未經印度議覆事竊奴才於本年二月十八日曾將到邊日期及赫政函覆必須商上允行始能訂期各緣由具奏在案旋卽迭飭商上迅速稟覆因藏中時值攢招於二月二十日始據第穆呼圖克圖轉遞三大寺及僧俗大衆圖記公稟內稱第二條在亞東地方賃買地基修建房屋不能遵依仍照原議由商上在於關外修建房屋與英國商民居住按日收租不得短少第三條通商五年出進貨物概不納稅請由商上收稅不肯延宕五年之久第四條應禁各物如用喝爾地方向無鹽茶進藏之規請仍照舊至軍火器械迷醉藥等項並請嚴禁出入又續款第二條日後兩國均以亞東設關爲無益或改移藏內他處或另添通商一口或數口所有章程俱照前開通商各條辦理無論如